


*Historia ecclesiastica Polon.*

*Feol. 4052*

*1709.*

*Clementis Papae XI: Constitutio, ut festum Conceptionis B. Mariae Virginis Immaculatae, de praeccepto ubique in posterum observetur.*







SANCTISSIMI DOMINI NOSTRI DOMINI  
CLEMENTIS DIVINA PROVIDENTIA PAPÆ XI.

Constitutio, ut Festum Conceptionis B. MARIE Virginis  
Immaculatae, de præcepto ubique in posterum observetur.

CLEMENS PAPA XI.

AD PERPETVAM REI MEMORIAM.

**C**ommissi Nobis divinitus Sacro-Sancti Apostolatus Officij exigit ratio, ut Gloriosissimæ Virginis DEI Genitricis MARIE, Cujus Conceptio gaudium annuntiavit universo Mundo, venerationem, & cultum, plurimum Romanorum Pontificum Prædecessorum Nostrorum more, ampliare studentes in terris, illius, quæ super Choros Angelorum exaltata pro populo Christiano Sedula Exoratrix apud eum, quem genuit, assidue intercedit in Cælis, potentissimam opem, in tot tantisque, quibus premimur Christianæ Reipublicæ, & Catholicæ Ecclesiæ necessitatibus, quantum Nobis ex alto conceditur, promereri jugiter satagamus. Sincerâ itaque Nostrâ erga eandem Augustissimam Cæli Reginam, Patronam, & Advocatam Nostram devotione incitati, Festum Conceptionis ipsius Beatæ MARIE Virginis Immaculatae Ubique Terrarum in posterum ab omnibus, & singulis utriusque Sexus Christi Fidelibus, sicut alia Festa de præcepto servari, & celebrari, ac sub præcepto observationis Festorum comprehendendi, Auctoritate Apostolicâ tenore præsentium decernimus, præcipimus, & mandamus. Non obstantibus Constitutionibus, & Ordinationibus Apostolicis, cæterisque contrariis quibuscumque. Volumus autem, ut earundem præsentium Literarum transumptis, seu Exemplis etiam impressis, manu alicujus Notarii Publici subscriptis, & Sigillo Personæ in Ecclesiastica dignitate constitutæ munitis, eadem prorsus fides adhibeatur, quæ adhiberetur ipsis præsentibus, si forent exhibitæ vel ostensæ. Datum Romæ apud Sanctum Petrum, sub Annulo Piscatoris, diæ sextâ Decembris, M. DCC. VIII. Pontificatus Nostri Anno Octavo.

F. OLIVERIUS.

CASIMIRVS à Lubna LUBIENSKI,  
DEI, & Apostolicæ Sedis gratiâ, EPISCOPVS Chelmenfis, CANONICVS, Sede Vacante Episcopatus Cracov. ac Ducatus Severienfis  
Generalis ADMINISTRATOR, Perpetuus Commendatarius  
B B A S Czervienfis.

**U**niverso Clero tam Saculari, quàm Regulari, ac Populo, per & intra Civitatem, ac Diocesim Cracoviensem, constituto, Nobis in Christo Dilecto Salutem in Domino. Quò magis Honor & cultus Beata Virginis DEI Genitricis MARIE propagatur; eò magis in cordibus Fidelium exinde sumpta crescit, dilataturg, læticia. Præ enim est Fontem bonorum Nostrorum, ex quo abundantè gratias haurimus, coronare. Nam ad Mariam omnis gratia confluit, & per Mariam omnis gratia cæteros defluxit; ita ut in illa, & per illam, & de illa, benigna manus Omnis, quidquid creavit, recreavit. Ne igitur destituantur hac læticia, quæ Nomini MARIE militant, Constitutionem præinsertam, ut Festum Conceptionis MARIE Virginis Immaculatae, de præcepto ubiq, in posterum observetur. Sancti Domini Nostri Domini CLEMENTIS Divinâ Providentiâ Papa XI. publicamus ad notitiâ omnium Christi Fidelium deducimus, & deduci volumus. In quorum præsentibus manu propriâ subscriptas, sigillo Nostro communiri iussimus. Datum nior, Diæ vigesimâ secundâ Mensis Martij, Anno Domini, 1709.

CASIMIRUS LUBIENSKI, Episcopus Chelmenfis,  
Sede Vacante Episcopatus Cracoviensis Generalis  
ADMINISTRATOR.

mpp.

Locus ✠ Sigilli.

S. Bonav.  
in Specul.  
Cap. 6.  
S. Bernat.  
titul. de  
Assumpt.







